

Ymateb y Llywodraeth: Rheoliadau Diogelu Iechyd (Cyfyngiadau Coronafeirws) (Rhif 5) (Cymru) (Diwygio) (Rhif 23) 2021

Pwynt Craffu ar Rinweddau 3:

1. Mae Llywodraeth Cymru yn llunio ac yn cyhoeddi Aseidiadau Effaith Cryno fel mater o drefn mewn perthynas â newidiadau yn y rheoliadau Coronafeirws ar y cyfle cyntaf ar ôl pob cyfnod adolygu. Mae'r Aseidiadau Effaith Cryno hyn ar gael [yma](#).
2. Mae'r Aseidiadau Effaith Cryno yn ymdrin â'r meysydd a ganlyn:
 - Effaith ar Lesiant
 - Aseiad o'r Effaith ar yr Economi
 - Aseiad o'r Effaith ar Gydraddoldeb
 - Aseiad o'r Effaith ar Hawliau Plant (os yw'n gymwys ac os nad yw'r Aseiad o'r Effaith ar Gydraddoldeb yn ymdrin â hyn yn llawn)
 - Aseiad o'r Effaith ar Hawliau Dynol
 - Aseiad o'r Effaith ar y Gymraeg

Pwynt Craffu ar Rinweddau 4:

3. Mae gweithio gartref yn un o'r ymddygiadau diogelu allweddol a all helpu i leihau cyfraddau trosglwyddo, yn enwedig pan fydd cyfraddau trosglwyddo yn y gymuned yn uchel. Mae gweithio gartref yn golygu ei bod yn anochel bod nifer y cysylltiadau unigol yn gostwng. Mae wedi cael ei dderbyn fel mesur sy'n arbennig o effeithiol er mwyn lleihau lledaeniad COVID yn ystod y pandemig fel a nodir yn y datganiad Consensus gan is-grŵp Gweithredol y Grŵp Gwyddonol ar Ffliw Pandemig – Modelu (SPI-M-O) ar gyfer y Grŵp Cyngori Gwyddonol ar Argyfyngau (SAGE), 30 Mehefin 2021 - [S1298_SPI-M-O_Consensus_Statement.pdf \(publishing.service.gov.uk\)](#)
4. Mae Llywodraeth Cymru yn cyhoeddi'r cyngor ar y coronafeirws y mae'n ei gael oddi wrth y Gell Cyngor Technegol fel mater o drefn ac mae ar gael [yma](#). Yn y cyngor oddi wrth y Gell Cyngor Technegol dyddiedig 2 Rhagfyr, yr argymhelliad yw annog lleihau nifer y cysylltiadau cymdeithasol, "especially through increased working from home when that is a viable business option". Mae'r cyngor hwn ar gael [yma](#).
5. Awgrymodd data arolygon a data symudedd ar yr adeg pan wnaed y penderfyniad nad oedd y canllawiau a'r negeseuon yn cael yr effaith a ddymunwyd o ran newid cyfran y bobl a oedd yn gweithio gartref yng Nghymru i leihau lledaeniad COVID. Ar yr adeg honno, awgrymodd y data fod nifer y bobl a oedd yn gweithio gartref wedi cyrraedd un o'r pwyntiau isaf ers dechrau'r pandemig.